

آبونه سُرْاطِي

ممالك عثمانیه ده سنه لکی (۶۵) ، آلتی
آیلغی (۵۳) غروشدر .
ممالك اجنبیه ده سنه لکی (۱۷) ، آلتی
آیلغی (۹) فرانقدر .

اداره خانه

باب عالی جاده سنده دائره مخصوصه

افطارات

آبونه بدلی پشندر .

§

مسئله موافق آثار مع الممنونیه قبول
اولنور . درج ابدله یں یازیلر اعاده
اولونماز .

سِرْاطِ الْمُسْتَقِيمِ

سِرْاطِ الْمُسْتَقِيمِ

دینی ، فلسفی ، علمی ، ادبی سیاسی هفتعلق مجموعه اسلامیه در .

والله يهدي من يشاء الى صراط مستقيم

صاحب و مدير مسئول : ح اديب اشرف

اتبعون اهدكم سبيل الرشاد

عدد ۲۸۳

۱۶ ربيع الاول ۱۳۳۲

پنجشنبه

۳۰ كانون ثاني ۱۳۲۹

جلد ۱۱

انتقادات

تاریخ استقبال - جلال نوری بک

عثمانی متفکر لرندن جلال نوری بک افندی بک « تاریخ استقبال » عنوانی بر اثری انتشار ایتدیکنی ، مؤلفک بو اثرده بر طاقم ناشیده اجتهادات ایله عقلیات و نقلیاتی زیر وزیر ایلدیکنی ایشیتمش ، لکن شمعی به قدر وقت بولوب بو کتانی مطالعه ایده مامش ایدم ، نصلسه بکنده برسخته سی ایله بکجی . نهایته قدر او قودم ، جدا حیرتله مستغرق اولدم .

اثر او قدر مختلف ، او قدر متناقض افکاری احتوا ایدیوردی که او قودیم زمان ، فکری تقرر ، مسلکی تعین ایتمش بر آدم طرفندن دکل ، افکار مختلفه به خادم بر قاج کشی طرفندن تألیف ایدلمش ظن ایتدم . زیرا مؤلف کتابک بر صحیفه سنده بر متافیزیسین ، دیگر صحیفه سنده مادیوندن بر فیلسوف ، بر رنده بر مؤمن ، بشقه بر رنده بر منکر اولیوردی . بو قدر اوصاف متباینه بک شخص واحده اجتماعی عقلاً مستحیل اولدیغندن بویله بر فکره ذاهب اولمقلغم غایت طبیعی ایدی .

جلال نوری بک ایکی سطر دن عبارت بر حکم قره قوشی ایله فلسفه یی اعدامه محکوم ایدیور ، بر طقم اجتهادات سقیمه و سخیفه ایله اسلامیق بشقه بر شکله افراغ ایدرک (اسلامیت) نامیله کندی طرفندن وضع ایدیلن دین جدیدی خلقه قبول ایتدیرمک ایسته یور .

بوندن بشقه مؤلف ذات وصفات الهیه دده ایسته دیکی کبی تصرفاته قیام ایله جناب حقه حاشاتم حاشا (ایشته شمعی الله بکزه دک) دیمکه قدر حقیقیشیور . خلاصه قرانی تصحیح ، عقائد کتابلرینی آوفوروز ایتک فلان کبی دها بر چوق دلیلکار دکسه بیله بیکلکار کوستریور . بکا اویله کلیور که بو کتاب ، معین بر مقصده بناء یازلمش . فقط

هر نه دنسه مقصده بک اوزون ، بک دولامباچ یوللردن کیتمک جهتی التزام ایدیلش . مؤلف بر شیلر سویله مک ایسته یور . لکن سویله چکی شیلری آچیقندن آچیغه سویلمکه جسارت ایده میور . یا خود جهه حقیقتدن نقاب استتارک رفغنه محیطی مساعد بولیور . (بو کون براز قابلی ، یارین دها آچیق) قاعده سنه رعایتکار کورینیور . بن اونک رینه اولسه ایدم ، هیچ بویله ساقز چیکنمکه لزوم کورمز « دین بو قدر ، حاشاتم حاشا پیغمبر کاذبدر . قرآنده اویدرمه بر کتابددر . دیوب ایشک ایچندن چیقاردم . زیرا بویله بر زمانده انسانک حقیقی اعتقادینی کتبه لزوم کورده بک قدر مغلوب جبات اولسنه هیچ بر سبب کورمیورم .

محیطک بو کبی اوستی آچیق تلقیناته مساعد ، یا خود غیر مساعد اولدیغی بحثنه کلنجه مسلک صاحبی بر آدم ایچون بو جهتده بک او قدر نظر اعتباره آله حق بر مسئله دکلددر .

یا خود ایش بزم اکلا دیغمز کبی دکلدرده مؤلف حقیقه دماغنده

تشکل ایتک اوزره بولنان عالم اندیشه بک Chaos (خوی) ده نیلن دور پریشانیسنده بولندیغندن انک بر نمونه سنی کاغذ اوزرینه رسم ایدیور . الحاصل مؤلفک عقلنده استتار یوق ، ذکاسی طبقی روزکاره معروض بر موم شعله سی کبی متمادی حرکت ایدیور . بودائی حرکتدن طولایی هیچ بر شیئی حقیقه تنویر ایدمیور . فاضل محترم فطین افندی برادر مزک دیدیکی کبی بودین یا واحددر ، یا خود صفر . بونک کسری یوقدر . ایشته بونک کبی انسانده یا مؤمندر ، یا منکردر ؛ بونک ایکسی اورتیه سی یوقدر . مسلکندن امین ، جسارتنه صاحب اولان بر آدم فکری ، اعتقادینی آچیغه سویلر . کیمسه بک لومندن ، تحقیرندن تحاشی ایتمز . فالاً بویله ساقز چیکنه مک ، نظری سطحی ، محاکمه سی ناقص بر طاقم کیمسه لک بنیان اعتقادینی زیر وزیر ایتک ، روخک الک حساس نقطه لرینه دو قونمق مروته ، انسانیته مخالفدر .

میدانه حیقان خصم ایله مجادله قولاید ، برده آرقه سندن کوله شمک ایسته یئرله مصارعه ممکن دکلددر . برده آرقه سنه کیرمک ده یا لکز انسانک اسمی دکل ، فکری ، اعتقادینی کتم ایتسیدر .

جلال نوری بک دینی اعلا برده سی آلتدانی احما ایتن ایسته یور . و بو وادیده اولدیجه مهارت کوسترر کبی اولیور . چونکه اسلامک اک اساسی اعتقاداتی بر بررر چوریدوب صکرده انک علویتدن بحث ایتک ، اینه کیرپی در یسندن برالدیون طا قوب خلقک یوزینی او قشاد مغه ، بو کاده التفات ، نوازش معناسی ویرمه بکزر . هر نه ایسه یوقاریده سویلدی کمز وجهله مؤلف بر تکمه ده فلسفه یی بیقیور . اک کزیده دماغلرک محصول اجتهادی ، خلاصه اعتقادی اولان اوفن معظم ، آنک فکر نجه بر هیولای وهامیدن بشقه بر شی دکل ایش ! قانت ، شلینغ ، سپینوزا کبی بیوک فیلسوفلر صاحبه شیلرله اوغراشمشیر ، اضاعه وقت ، اسراف حیات ایتمشیر . بو فیلسوفلرک دهاسی عالم انسانیت ایچون محض مضرت اولمش .

جلال نوری بک اوچ بش بیک سنه دنبری بیکلرجه دهاتی اشغال ایدن ، بو کون بتون آوروپا دارالفنو نلرنده « ماصال » دکل ، بر فن مستقل اولمق اوزره تدریس اولنان فلسفه کبی معظم بر علمی اوچ بش سطر دلیلسن سوزله بیقدم ظن ایلدکن صکره ایکنجی تکمه ایله اسلامک دینای عقائدینی زیر وزیر ایتمه قیام ایدیور .

افاده سنه نظراً المزده کی عقائد کتابلری هذیان مجموعه سی ایش ، تفسیرلرکده انلردن قالیر یری یوق ایش . چونکه مفسرلر قرآنی ا کلایه مامشیر . قرآنده بر چوق خرافات اسرائیلیه وارمش . مفسرلرک بو خرافه لره حقیقت نظریله باقارلی کولونج ایش .

مثلاً ویقتور اوغو ، کوته وسائره کبی اعظام شعرانک ، ازان جمله کندیلرینک (یعنی جلال نوری بک افندی بک) مظلوم ، منشور اثرلرنده اساطیره متعلق بر طاقم خرافاته تلمیح وار ایش . بو تلمیح اتدن طولایی کیمسه اوشاعرلره و جلال نوری بک افندی به سز بو کبی خرافاته اینانیور سکنر دپه مز ایش . ایشته بونک کبی « اسلامیت » ده

بوسطرلری او قوینجه ذهنم طوردی . آرقالدی « الجنون فنون » دیوب تراحت دائره سندن چیقہ جق ایدم .

ایها الناس ! مثلاً برجاهل آدم چیقوبده سزه دیسه که :
— ای مکاتب و مدارسده علوم و فنون نامنه تدریس اولنان ترهات ایله وقت کچرن بدلار ! اوسزک جبر ، هندسه ، مثلثات بیلیم نه ناملریله تدرس ایتدیکنیز ، واولره عائد مسائلك حلی ایچون صباحدن اقشامه قدر اورووجک آغینه شیدیه چیزکیله ، رققر ، حرفلره تحترل دولدیردیکنیز فلر یوقی ؟ بونلرک هپسی دلی صاحجه سیدر . عقلی باشنده اولان بر آدم بویله شیلرله اوغراشماز . هله ، کواکه کی بیلدیزلرک احوالندن بحث ایدن ، اردلرند کی مسافه لری اوچمکه قالدیشان ، اسمنه علم هیئت دینیلن او علم موهوم ... آرتق آنک ایچون بویله جک سوز ، استعمال ایدنه جک تعبیر بوله مام . آنکه مشغول اولان آدمی همان الینی یاغنی باغلابوب تیمارخانه به طیقملی ! !

بیورک اقدم ! بو آدمه نه جواب ویررسکز ؟ بو فلر حقنده کی اعتقادی نی نه صورتله تصحیح ایدرسکز ؟ بکا قالیرسه بودعوا به تصدی ایدن کیمسه به ، ویریله جک اک موافق جواب : اوت اقدم حقکز واردر ! دیوب یانندن صاورشمقدر ! یالکز بوراده بر کور طاشی آته جغم که اصابتدن یوزده یوز امیم : اکر تاریخ استقبال مؤلفی اسملری نی تعداد ایتدیکی بو اثرلردن بشر صحیفه او قومش ، احتوا ایتدکاری مباحثدن برنی ا کلامق ایچون بش دقیقه صرف ذهن ایتمش ایسه بن بورادیم . اصول فقه ایله منطقه اولان وقوفک درجه سی بحجه قطعاً مجهول ایسه ده بو فلر حقنده قوللاندینی لسانه باقیلیرسه انلرله ده آراسی بک آجیق اولدینی صراحة کوریلیرور .

مؤلف دیورکه : « بوکون « قانت » و « هکل » واری فلسفه لرک ظهورینه امکان اولدینی شویله طورسون ، او نظریه لری عصر حاضر قطعاً محکوم ایتشدور . »

بوسوز طوغری اولایدی ، بوکون آوروپا دارالمنونلری پروغرا . ملربنک کافه سندن فلسفه درسی اخراج ایدیلیر ایدی . فی الحقیقه بزده وقتیلله « دون کیشوت » ی او قودیفغز زمان عصر حاضرک اوکی قهرمانلری قطعاً محکوم ایتدیکنه ودون کیشوت واری آدملرک بردها ظهوری ممکن اولدیفغه قائل اولمش ایدک . مکر چوق یا کلمشز . هنوز رحمتلینک نسلی منقرض اولماش .

مؤلف دیورکه : « متافیزیک دنیان ماورای طبیعت علمی یوقدر . چونکه طبیعتک او بر طرفی غیر موجوددر . »

بزده دیرزکه : متافیزیک دینیلن مابعدالطبیعه علمی واردر . تفکرات انسانیه نک ، هر نوعی متافیزیکله بعض مرتبه علاقه دار اولمقدن خالی دکدر . سوز سویلین ، دوشون هر شخصک یولی مطلقاً متافیزیک ساحه سنه اوغرار .

حتی متافیزیک یوقدر دین مؤلفده اوساحه به اوغرا یور ، بوانکاریله متافیزلنی تصدیق وکندی کندینی تکذیب ایدیور . چونکه متافیزیک

قرانده کی خرافات اسرائیلیه به اینامقدن منز و متعالی ایش ! !
(عجبها هانکی اسلامیت ؟)

کتابک عقل و منطقه حرب ایتک ایچون دیزلمش اولان بوسطرلری بی خیلی دوشوندیردی . سرد ایدیلن مطالعاتی عقله تطبیق ایچون منطق دینیلن میزان تفکر داوردم ، ترازونک آلتی اوستنه کادی . نقله تطبیق ایتک ایستدم ، او هیج ممکن اوله مدی . شاعرک (بنده می اقبال یوق ، میلردمی تأثیر یوق) دیدیکی کی بنده : « بنده می ادراک یوق ، قائلدمی تمیز یوق » دیمکه مضطر قالم .

بو کتابک احتوا ایتدیکی سقطاتی ، افکار متناقضی برر برر کوسترمک لازم کسه آنک بش مثل قدر بر اثر یازمق اقتضا ایدر . بوکا وقت مساعد دکدر . یالکز بک کوزه جاربان بر قاج یری حقنده بر ایکی سوز سویلکه اکتفا ایدجکم . جلال نوری بک تاریخ استقبالده سوز شویله باشلایور : « حقیقه وصول ایچون بر تک واسطه من واردر : فن . وصول قابل اوله میان حقیقتک وجودندن بزنی خبردار ایدن ویا آنی بر شکل رمزیده کوسترن واسطه ایسه دیندر . معمای کائناتدن بحث ایدن ، بونی شرحه چالیشان هر نه نظریه ، علم و فن ، فلسفه وارسه جمله سی بوشدر . »

مؤلفک بوسوزلری بر دعوا در . هر دعوانک دلیل مستند اولمی لازم کیر . دلیل مستند اولمیان دعوالره قول مجرد دینور . قول مجردده مباحث علمیه شویله طورسون ، مسائل عادیده بیه ذره قدر قیمتی ، اهمیت یوقدر . فکر فکرله رد ایدیلیر . دلیل دلیل ایله ابطال اولور . اکر تاریخ استقبال مؤلفی بودعواسنی اثبات ایدجک دلائله مالک ایسه آنلری انیان ایتلی ، دکسه اقوال مجرددنک ذره قدر قیمت علمیه سی اولدیفنی بیلوب بویله بیوک دعوالره قالدشاملی ایدی . چونکه ایش قول مجرده قالدقدنصرکه بشقه بری ده (معمای کائناتدن بحث ایدن ، آنی شرحه چالیشان نه قدر نظریه ، علم و فن ، فلسفه وارسه هیج بری بوش دکدر . آنلره بوش دیمک بوشدر .) دهرک مؤلفک دعواسنی رد ایدر . ردینی تأیید ایچون انیان دلائله لزوم کورمز . زیرا بر دعوانک انیان دلائل صورتیه ردی ممکن اوله بیلیمک ایچون مدعینک استنادکاهی اولان دلیللرک معلوم اولمی لازم کیر . اولدیلر بیانده کجه نقیضی مؤید دلائلک انیانیه دعواسنک ردی ممکن اوله ماز .

بوکی بوش دعوالره قالدشتمق مؤلفک کندی تعبیری وجهله (او قیانوسی قوروتغه تشب ایتک) بزم فکر مزجده پوف ! دیمکه کونشک نورینی سوندرمکه قالدشتمق قیلندندر .

مؤلف دیورکه : « تجربه خارجنده یاسله جق عقلی سپه کولاسیونلر بک واهیدر . آوق صابوقدر . مثلاً « سینوزا » نک ویا « قانت » ک (پانته ایزم) بی ، « ذکای صرفه نک تنقیدی » نی اله الیکز . برطاقم معادلات ، نظریات ، قیاسات ، نتایج ، قضایا سزی ایجه مشغول ایدر . نه حاصل اوله جعنی بیلیرمیسکز ؟ هیج ! ! »

یوقدر سوزی متافیزیک مباحثندن در . بومستله انجق او علمک اغانه سیله حل اوله بیلیر .

اگر مؤلف بو سوزی بیهارک سویله یور، سویله دیکی سوزک بر حقیقت اولدیغنه قائل اولیورسه مدعاسنی اثبات ایچون همه حال بر طاقم دلائله مالک اولسی لازم کایر . (یاخود بز اولیله ظن ایدیورز) . متافیزیک انکاری ایچون اتیان ایده جکی بو دلیللرک کافه سی ده اوفنک حیطة سی داخلنه کیرر . و آنک تصدیقه حجت اولمش اولور . عالمده نفی ثبوتنی مستلزم برشی وارسه اوده متافیزیک قدر . متافیزیک انکار اولنه ماز .

بوسوزمز مؤلفک، متافیزیک بطلانی اصولاً اثبات ایده بیهارک دلائله مالک اولسنی تقدیر اعتباریله در، عکس صورتده یعنی بو دلیللره مالک اولدیغنی فرض ایلدیکی تقدیرده بوسوزی ده دیگر سوزلری کبی قول مجرددن عبارت قالیر . قول مجردک قیمت علمیه سی اولدیغنی تکراره حاجت یوقدر .

فقط مادامک بز مؤلفه قارشو علم مابعد الطبیعه نك وجودنی ادعا ایدیورز؛ شو حالده مدعایه دلائل فیه ایله اثبات اتمک کمن لازم کلزمی ایدی؟ اوت کلیر ایدی . انجق اوزمان بحث درس شکلی آلیر ایدی . اولیله ظن ایدرزک مؤلفک بز دن درس آلمغه احتیاجی اولدیغنی کبی بزده کیمسه به درس ویرمه و قتمز یوقدر . فی الحقیقه بز سوزمزده قول مجرددن عبارت قالیور . فقط اولیله بر قول مجردک بیکلرجه مدونات علمیه قول مجردمزک صدقنی مؤید دلائل ایله مشحون .

تاریخ استقبال مؤلفی مدونات فلسفیه ده کی متافیزیک بحثنی تعمیق ایتمش اولسه ایدی « متافیزیک یوقدر » سوزنی سویله مک ایچون براز دوشونور ایدی ، کذا او بحثی تعمیق ایروب ا کلامش، ا کلادیغنی ده اترنده بر تفصیل ا کلامش اولسه ایدی اوزمان دعواسی بشقه صورتله رد ایدی بیلردی . مادامک کنیدیسی هیچ اورالره یاناشمیوب هر کسه قول مجردنی قبول ایتدیرمک ایسته یور ، بزده بوقدرله اکتفا ایدرز .

مؤلف دیورک : « متافیزیک » انکلیز حکیمی « باقل » کوره کندی کندیغنی مطالعه ایدر بر شیدر . بو مطالعه ده ذکا هم بر واسطه مکتسبات هم ده بر ساحه تدقیقاتدر .) اکاشه می وار؟ علم النفسک اساسی نه دریا؟

بوسوزی حقایق عربدن « باقل » سویله سه او قدر استغراب ایتز ایدم . فقط انکلیز حکما سندن « باقل » سویله دیکی ایچون کندی حسابمه چوق تعجب ایتدم . فیلسوفک بوسوزی شوکا بکزر : مثلاً بر آدمک کندیغنی بیلمسی « انا » نک هم عالم، هم ده معلوم اولسی دیمکدر .

انکلیز فیلسوفک منطقنه کوره بویله مختلف ایکی ماهیتک شیء واحدده، یعنی « انا » ده اجتماعی ممکن اولماق لازم کله جک . شو حالده « بنی بین بن دکم ، یاخود بنم بیلدیکم، بن دکم ! بنی

بیلن ده، بنده بیلینن ده بدن بشقه بریسیدر « دیمک اقتضا ایده جک . طوغریسی کوزل منطق! عربلرک « باقل » سی ده اولسه انجق بویله برقیاس ترتیب ایده بیلردی !

مؤلف دیورک : « وولتر دیمشدرک : بر کیمسه سوزه باشلا دیغنده کنیدیغنی ا کلاماز و مخاطبلرده آنک سوزلرندن اصل برشی چیقارد مازلر ایسه ایسته اوزمان مه تافیزیک باشلار . »
متافیزیک ا کلاشلماز برشی اولدیغنی ا کلامق ایچون « وولتر » طرفندن سویلنن بو سوزدن وهله اولاده بزده برشی ا کلایه مدق ، نهایت اصلنی بولوب شهه منزی حل ایتدک .

« وولتر » دیورک : Quand un homme parle de ce qu'il n'entend pas avec un autre qui ne l'entend pas davantage, c'est de la métaphysique .

مألی شو اوله جق :

بر کیمسه دیگر برینه ، کندی ا کلامدیغنی بر شیدن بحث ایدر ، مخاطبی ده اوسوزدن برشی ا کلا یامازسه ایسته او متافیزیک در . بو سوزی سویله بن « وولتر » وحدانیت الهیه قائلدر (یاخود اولیله کورونمشدر)

« وولتر » وحدانیت الهیه قائل اولق ایچون مطلقاً بو مسئله بی عقلاً محاکمه ایتمشدر . چونکه نیچون وحدانیت الهیه قائلسکز؟ دیه کنیدیغنی صوریه جق اولسه ایدی ، همه حال بو اعتقادنی استناد ایتدیردیکی دلیللری برر برر بیان ایده جک و وحدانیت الهیه حقنده بر چوق ملاحظات سرد ایلیه جک ایدی . ایسته وولترک سویله جکی اوسوزلرک کافه سی متافیزیک حیطة سی داخلنه کیرر .

برده « وولتر » متافیزیقی نصل انکار ایده بیلیر ؟ چونکه قاموس فلسفینده متافیزیقه عائد بر چوق مسائلدن بحث ایتمشدر .

« وولتر » اولیله دبورسه اوروپا فلسفه سنک واضعی ، مجددی ، باباسی اولان « ده قارت » ده (علوم فلسفیه نک کافه سی براغاج ، متافیزیک ده اواغاجک کوکیدر) دیور .

تاریخ استقبال مؤلفی « وولتر » ک یوقاریکی سوزنی سند اتخاذ ایدرک متافیزیک وجودنی انکار ایتدیغنی کبی اوله بیلیرک بعض کیمسه لرده « ده قارت » ک بوسوزینه استناداً انی تصدیق ایدرلر . حال بوکه بونک ایکسی ده مقبول دکلدر . هنر اودرک انسان محاکات عقلیه ایله کندی قفاسنی یوروب تصدیقنی ده، انکاریغنی ده صاغلام دلائله ایتا ایتدیرملی .

مؤلفک : « چونکه طبیعتک او برطرفی غیر موجوددر « سوزینه کلنجه دیرزک : اگر سنز طبیعت لفظیله احاطه حسیه من داخلنه کیرن یعنی حواس خمسندن بری و یابر قاجیله ادراک اولنان بو عالمی مراد ایده رک انک ماوراسنده برطاقم شیلرک وجودنی انکار ایتک ایسته یورسه کز پک عجله ایدیورسکز . زیرا بومبجنده صوک سوزی سویله جک سنز دکلسکز . فندر . فن ایسه هنوز اوسوزی سویله مه مش، و اودعوانی

صورت قطعیه ده حل ایلمه مشدر . انک ایچون حکمده استمهجال اثر خفت اولور .

کیمسه یه قبول ایستیرمک ایچون دکل، یالکز ملاحظه قیلندن اولوق اوزره سویلمکه : بزم احاطه حسیه من خارجنده برچوق شیلر موجوددر . بوکا لسان شریعت و حکمتده مجردات و معنویات دیزر . انلرده متافزیک دیکر معناسنه کوره طبیعتک مابمیدر . یعنی بزم طبیعت نامنی ویردیکمز مدلول عمومینک بشقه ماهیتده برطاقم تجلیاتیدر .

شوحاله نظراً مجرداتده طبیعت تمبیرینک شمول وسیعی داخلنده ، فقط بزم حواسمزک خارجنده اولان برطاقم موجودات دیمک اولور . مجردات و معنویاتی ، معنای محدودینه نظراً طبیعت خارجنده عدا تمکه حقمز اولدیفنی کبی طبیعتک شمول وسیعی اعتباریله انک داخلنده عد ایتمکده حقمز واردر . مادامکه طبیعت نامیه بر مفهوم کلینک وجودینه قائل اولوروز ؛ انک نامتناهی شئون ، بیلمدیکمز برطاقم مخلوقاتی ، موجوداتی اولدیفنی ده قبول ایتمکمز لازم کلیر . یالکز لسان شریعت ایله لسان فن و حکمت اولملرک اراسنه حدلر چیزهش ، انلری بشقه بشقه اسمله تسمیه ایتمشدر .

طبیعت او عالمک شکل متکاثفی، او عالمده طبیعتک جوهر لطیفیدر . لکن اکا طبیعت دیمکه مساغ شرعی بوقدر . شریعت عوالمی اعتبارات ایله تقید ایدرک آرارینه بر حد چیزهش، هر حدک ماوراسنی یوقاریده سویله دیکمز کبی بشقه بر اسم ایله تسمیه ایتمشدر . فی الحقیقه مؤلفک طبیعتدن مراد ایستیک معنای محدوده نظراً آنک خارجنده هیچ بر شی اولماق لازم کلیر . فقط او معنائک شمول کلینسه نظراً حواس خمس خارجنده بک چوق شیلر واردر . بوقدرده سویله میه جک ایدک . موجوداتی محسوساته حصر ایله آنک ماوراسنی انکاره قالفشقمق بو فکرلری تأیید ایچونده طبیعتک او برطرفی بوقدر دیمک ایستیریدیلرک مبصراتی انکار ایتمسه بکزر . یسه تکرار ایدرکه شوسطرلری مؤلفه جواب اولوق اوزره یازمدق، بلناسبه یازدق .

مؤلف « شو پناهور » ایله « حارتمان » قلمنک اوجیله شویله جه دو قونوب کچدکن ، قرون وسطی فلسفه سنک (قدیم هند مجلداتنده آشاعی یوقاری حرفیا مندرج) اولدیفنی بیان (بزم متصوفده بونلری آلمشدر و بعض قاپانی ، رمزلی ، کنایهلی الفاظ ایله افاده ایتمشدر . صوفیه نک اک اساسی سرمایه سی « پانتهازم » در) سوزیله تصوفی ، فلسفه بی تألیف و تلخیص ایلدکن صکر ، (جنت فلسفه نک سود همشیرده سی در ، هر نوع فلسفه ده براز جنتک یری واردر) دیور و تأیید مدعی ایچون تیمارخانه ده وفات ایدن « نیچه » نک سوزلرندن بعضیلرینی (تخلیق اولوق اوزره حرفیاً - تاریخ استقبال) نقل ایلور .

دلی صاحجه سیله تکثیر سواد ارزوسنده اولمدیفمزدن « نیچه » نک دفتر جنونسدن قوباریلان او یاراعک بورایه نقلنه لزوم کورمدک . یالکز شوقدر دیه بیلیرکه : « نیچه » بر فیلسوف ، عین زمانده بر

دیوانه ده اوله بیلیر . بونلرک ایکیمی ده انسان ایچوندر . عجیبا فنون مثبته اربابندن تجن ایدن ، جنت سائقه سیله صاحجه سویله ین یوقیدر ؟ فنون مثبته اربابندن برینک علت جنونه مبتلا اولدی ، سائقه جنتله صاحجه صاپان سویلسی منتسب اولدیفنی فنلرک بطلاننی می استلزام ایدر ؟ مؤلف نیچون ارسطو زمانندن بو آنه قدر ظهور ایدن بیکرجه اساطین حکمتک اقوال بر کزیده لرندن ذاهل اولیورده ، « نیچه » کبی بر بچاره نک بحران مرض آننده سویلیدیکی صاحجه لری فلسفه نک بطلاننه حجت اولوق اوزره اتیان ایدیور ؟

اماملری کوچدیر میه جکندن امین اولسم بوراده مشهور مثللردن برینی ایراد ایدردم .

دیمککه مؤلفک میزان تقدیرنده بر دلینک صاحجه لری بیک حکیمک اقوال بر کزیده سندن دها آغیر باصیور .

مؤلفک « جنت فلسفه نک سود همشیره سیدر » سوزی تحقیر معالی ایچون سویله ن عادی سوزلرک اک آشاعی سیدر . انسان بوقدر مادیلشد . کدن ، عقلاً ، روحاً بودرکه ؛ بسقی به دوشدکن صکره بو سوزی یالکز فلسفه ایچون دکل ، هرشی ایچون سویله بیلیر . مثلاً روح علوینک لسان سماویسی اولان شعر ایچونده « جنت شعرك اوز همشیره سیدر » دیر ، نه قدر دهات ادب و ارسه هپسنک حجره اشتغاللرندن آلوب تیمارخانه حجره لرینه طیفلمه لری لزومه قائل اولنور .

ایش بورادیه کلنجه قلبده نور حکمت ، روحده ذوق محاسن قالمازه انسانک عالمده کی وظیفه سی ، قیدی ، اندیشه سی ده یالکز احتیاجات حیوانیه سنک دفعندن عبارت قالیر . بودرکه یه ایننجه انسانده نام معناسیله برهیمه اولمش اولور .

بوکتابک صحائف متحرده سندن ایکینی اوجی بزه بوقدر یازی یازدیردی . صحیفه لرک عددی یوز تیش بردر . بونلرک هپسی ایچون ایری ایری یازی یازیله جق اولورسه یوقاریده سویلیدی کمز وجهله تاریخ استتبالک بش آلتی مثلی یازی یازمق اقتضا ایدر جک . بوکاده وقت مساعد دکدر . بناءً علیه بر ایکی مقاله ایله بحثه نهایت ویره جکز .

فرید

وجدان اسلام

« زات حضرت محمد » مقالسی مناسبتر مهزل نوری بکد ایکینجی قطاب

« سبیل الرشاد » کچن پنجشنبه کونکی نسخه سنده مقاله معلومه کزه عائد مکتوبی نشر ایتمکدن صسوکره جواب کزه انتظار نیتنده ایکن مملکتک منورالفکر مسلمانلرندن بعض ذواتک بوبخشه دائر مسموعم اولان مطالعات مهمه لری ، وبوندن باشقه بنده کزک ناتمام بر اقدیفم بعض افکار و حسیاتم ، بوهفته ده شوایکنجی خطابک یازلمسه سبیت ویردی .